



Na osnovu člana 19. stav (2) Zakona o Vladi Federacije Bosne i Hercegovine ("Službene novine Federacije BiH", br. 1/94, 8/95, 58/02, 19/03, 2/06 i 8/06) i člana 4. alineja 2. i člana 5. Zakona o kontroli cijena ("Službene novine Federacije BiH", br. 2/95 i 70/08), Vlada Federacije Bosne i Hercegovine na 218. sjednici, održanoj 09.04.2020. godine, donosi

ODLUKU

O PROPISIVANJU MJERA NEPOSREDNE KONTROLE CIJENA

(„Sl. novine FBiH“, br. 25/20) (17.4.2020.)

I.

Ovom odlukom utvrđuje se postojanje uslova za propisivanje mjera neposredne kontrole cijena na području Federacije Bosne i Hercegovine.

II.

Kao mjeru neposredne kontrole cijena iz tačke I. ove odluke, Vlada Federacije Bosne i Hercegovine propisuje utvrđivanje marži u trgovini (kalkulativne cijene) za naftne derivate.

III.

Privrednim društvima koja obavljaju djelatnost trgovine na veliko naftnim derivatima propisuje se maksimalna veleprodajna marža u apsolutnom iznosu u visini od 0,06 KM/litru derivata.

Privrednim društvima koja obavljaju djelatnost trgovine na malo naftnim derivatima propisuje se maksimalna maloprodajna marža u apsolutnom iznosu u visini od 0,25 KM/litru derivata.

IV.

Vlada Federacije Bosne i Hercegovine će u roku od 15 dana od dana stupanja na snagu ove odluke obavijestiti Parlament Federacije Bosne i Hercegovine o mjerama neposredne kontrole.

V.

Za realizaciju i nadzor nad provođenjem ove odluke zadužuju se federalna, kantonalna, gradska i općinska tržišna inspekcija.

VI.

Ova odluka stupa na snagu danom donošenja i objavit će se u "Službenim novinama Federacije BiH".